

# CONSORZI DA SCOLA SUMVITG-TRUN



NOVITADS DA SCOLA

entschatta digl onn da scola 2019/20

Preziai geniturs, preziai responsabels d'educaziun

Igl atun stat avon porta ed ils affons e lur scolastas e scolasts han entschiet il niev onn da scola. El num dalla direcziun e dil cussegl da scola sedrezzel jeu a vus cun entginas novitads dil Consorzi da scola Sumvitg-Trun (CSST). Nus vegnin a far quei naven dad uss mintgamai all'entschatta, enamiez ed alla fin digl onn da scola. Quellas informaziuns dueian cumpletar nosa pagina d'internet, nua che vus anfleis adina tut ils termins e las informaziuns actualas dil CSST ([www.scolasumvitgtrun.ch](http://www.scolasumvitgtrun.ch)). Igl intent ei da sustener aschia la buna communicaziun denter geniturs e scola.

Salids amicabels da vies meinascola,

Peter Kreiliger

Erica Cavegn-Pfister

## Novas scolastas e novs cusseglers da scola

Cul niev onn da scola han quater novas personas d'instrucziun entschiet lur lavur:



Angela Nay, scolasta dil fatg sil scalem superiur e primar



Caroline Demont, scolasta da classa dalla secunda classa superiura



Marina Casanova, scolasta da classa dalla 3. e 4. classa primara



Sandra Tschuor, scolasta da sustegn da lungatg

Plinavon ein Maria Maissen da Surrein e Corsin Gadola da Rabiun vegni elegi sco novs commembers dil cussegl da scola.

In cordial beinvegni a tuttas e tuts!

## Iert da scola

Era uonn cultivescha la 5 e 6avla classa primara da Trun in iert sper la staziun da Trun. Ella vegn cussegliada e sustenida da personas dil WWF, dil Center Sursilvan d'agricultura e da Bioterra Gartenkind. Gleiti ei temps da raccolta!

# CONSORZI DA SCOLA SUMVITG-TRUN



NOVITADS DA SCOLA

entschatta digl onn da scola 2019/20

## Niev rom „individualisaziun“

Uonn vegn introduciu la davosa part dil niev plan d'instrucziun 21. La tiarza classa superiura ha a disposiziun il mardis suentermiezdi quater lecziuns d'individualisaziun. En quellas tschantan las scolaras ed ils scolars accents individuals en in ni dus roms obligatoris (romontsch, tudestg, engles ni matematica).

Plinavon lavuran els vid ina lavur d'approfondaziun sco project. Quei fan els en atgna responsablada ed a moda individuala en ateliers d'emprender. Aschia san els sepreparar sistematicamain sin lur avegnir professiunal (p.ex. emprendissadi) ni silla midada en scolas dil scalem secundar II (p.ex. scola mercantila).

## Projects da prevenziun

Il mund modern va buca sper nossa scola ora, era nossas scolaras e nos scolars vegnan influenzai da differentas tendenzas. Perquei ha il cussegl da scola decidiu dad introducir dus novs dis da project. Per la 5 e 6avla classa primara vegn organisau da niev annualmein in di da prevenziun da medias (cumbinau cun ina sera da geniturs).

Pil scalem superiur dat ei in di da convivenza nua ch'ei vegn tematisau uonn la prevenziun sexuala ed il secuntener cun respect.

## Temps da preschientscha

Il meinascola Peter Kreiliger ei presents per regla il gliendisdis ed il venderdis ella casa da scola a Trun e la mesjamna e la gievgia ella casa da scola a Rabiun. La secretaria Rita Wolf ei presenta ella casa da scola da Trun per regla il gliendisdis ed il mardis. Duront las vacanzas ei la preschientscha sporadica.

Per discuors eis ei d'avantatg da s'annunziar avon per telefon ni per mail:

Meinascola: [meinascola@scolasumvitgtrun.ch](mailto:meinascola@scolasumvitgtrun.ch) 081 936 33 05

Secretariat: [administraziun@scolasumvitgtrun.ch](mailto:administraziun@scolasumvitgtrun.ch) 081 936 33 04

## Termins

- 2 e 3 d'october: Rimnada da pupi ella vischnaunca da Trun
- 4 d'october: Rimnada da pupi ella vischnaunca da Sumvitg
- 7 – 20 d'october: Vacanzas d'atun
- 20 da november: Di da romontsch (liber per scolaras e scolars)
- 13 da december: Fiasta d'advent cun Rorate a Rabiun (il Rorate ei publics)
- 20 da december: Fiasta d'advent cun Rorate a Trun (il Rorate ei publics)

Ulteriurs termins ein indicai sin nossa pagina d'internet.

La proxima brev als geniturs cumpara l'entschatta digl onn 2020.